

Progettu Finanziatu da la Legghji 482 di lu 1999, Altìcculi 9 e 15 e Legghji Regionali 22 di lu 2018. Annualità: 2022



ISTITUTO CHIRCAS



Città di Tempio Pausania

Progettu Finanziatu da la Regione Saldigna - Legge 482/1999 artìcculu 9 e 15 e Legghji Regionali 22 di lu 2018. Annualità: 2022



REGIONI AUTONOMA DI LA SالدIGNA
REGIONE AUTONOMA DE SARDIGNA
REGIONE AUTONOMA DELLA SARDEGNA



Cumuni di Telti



REGIONI AUTONOMA DI LA SالدIGNA
REGIONE AUTONOMA DE SARDIGNA
REGIONE AUTONOMA DELLA SARDEGNA



FAIDDHÈMU IN LINGA
FAEDDAMUS IN LIMBA

Progettu "FAIDDHÈMU IN LINGA – FAEDDAMUS IN LIMBA" – Annualità 2022
Finanziatu da la Legghji 482 di lu 1999, Altìcculi 9 e 15 e Legghji Regionali 22 di lu 2018

Aziòni "Ciòani VISPI"

Bandiu pa' l'agghjudicamentu di bònì "voucher" pa' la prattica sportiva



Dati impultanti inn istrintu	
Tantu massimu di lu bònù "voucher"	250,00 €
Scadenzia pa' ricìli li dummandi	la dì 13 di Friàgghju di lu 2023
Manéra pa' mandà di li dummandi	Pec o raccomandata a/r
Cuntatti sòlu pa' dummandà chjarimènti	sardegna@coni.it

* * * * *

1. Discriziòni e finalità di l'agghjutu

Illa posta in prattica di la Dilibbaraziòni di la Giunta Regionali di la Regioni Autonoma di la Saldigna n. 23/11 di la dì 21 d'Agliòla di lu 2022 e di l'Accòldu chi è sigùtu tra la RAS e lu Dipaltimentu di li Politichi Cioanili di la Presidenzia di lu Cunsigliu di li Ministri, e ancóra di l'altu Accòldu chi è sigùtu tra la RAS e lu CONI C.R. Saldigna la dì 15 di Sant'Andrìa di lu 2022, lu C.R. Saldigna di lu CONI, mintuàtu a innanzi, è statu ingarrigatu di punì in prattica l'aziòni chjamata "Ciòani VISPI (Bònì Voucher Iscriziòni Sport pa' l'Inclusiòni)" chi selvi pa' assignà chisti bònì "voucher" pa' l'iscriziòni e la fraccuenza di corsi sportivi pa' ciòani residenti in Saldigna sigundu li réguli e li scadènzì discritti meddhu ill'altìcculi chi s'ghini chistu Bandiu.

2. Acchitti dispunibbili

L'acchitti finanziari dispunibbili destinati a l'assignaziòni di li bònì "voucher" di l'Aziòni "Ciòani VISPI" di la Regiòni Autonoma di la Saldìgna e di lu Fundu Nazionali Politichi Cioanili di lu Statu Italianu sò in tuttu 762.477,12 €.

3. Destinatarì e cosa tocca aé

- a) Sò destinatarì di l'agghjuti li ciòani chi a la datta di presentaziòni di la dummanda s'iani in pussessu di lu chi s'ighi:
- Etài cumpresa tra li 14 e li 19 anni cumpriti;
 - Residenza inn un Cumuni di la Saldìgna cun di mancu di 30.000 abitanti;
 - Redditu ISEE di lu nucleu familiari di appartinenza suttu a li 12.000 €;
- b) Illu prisùmu di nuclei familiari undi vi s'iani più ciòani in pussessu di lu chi selvi mintuàtu illu puntu a), si podarà prisintà la dummanda di paltecipaziòni pa' unu nummaru massimu di dui ciòani cumpunenti. Altu ciòani cumpunenti in pussessu di lu chi selvi pa' fà la dummanda pòni esse pòsti illa graduatoria tra li chi sò "in pussèssu ma no beneficiari" da undi poi si podaràni piddhà illu casu di mancata assignaziòni di tutti l'acchitti dispunibbili cu' la graduatoria di li chi sò in pussèssu e beneficiari.

4. Entità e destinaziòni di lu bònu "voucher"

- a) Lu bònu "voucher" pa' lu beneficiariu è destinatu a fà attività sportiva dilettantistica carragghjendi li costi di iscriziòni e di fraccuenza finza a a la concorrenza di lu tantu massimu di 250,00 € pa' dugna beneficiariu.
- b) L'attività sportiva dilettantistica mintuàta illu puntu a innanzi si pó fà sòlu in Società Sportivi o Associazziòni Sportivi Dilettantistichi in régula cun l'affiliaziòni in Federaziòni Sportivi Nazionali (FSN), Disciplini Sportivi Assuziati (DSA) o Enti di Promozziòni Sportiva (EPS) ricunnotti da lu Comitatu Olimpiku Nazionali Italianu (CONI) o da lu Comitatu Italianu Paralimpiku (CIP).

5. Manéra di presentaziòni di la dummanda

La dummanda, anda fatta innantu a lu modellu allegatu a chistu Bandiu, no veni accittata siddhu no è cumpilata in dugna palti, suttuscritta sigundu la manéra di inuiu sciuaràtu a innanzi da lu sugghjettu chi à la podestài genitoriali o da lu sugghjettu chi lu pó fa siddhu à cumpritu li 18 anni, agghjunghjendi la ciltificaziòni ISEE vàlita e li documenti di identità di li chi àni fattu la dummanda e à d'arrià a lu CONI C.R. Saldìgna prima e no dapói di mezanotti mancu 1 minuttu (23:59) di la dì 13 di Friàgghju di lu 2023 illa manéra chi s'ighi:

- Cun raccumandata a/r in busta chjusa scrièndi a palti di fóra l'inghittu "Bandiu Ciòani VISPI" illa sedi di lu CONI - Cumitatu Regionali Saldìgna chi s'agatta in:

CONI – C.R. Saldigna, Carréra Bonaria n. 66, 09125 – Castéddhu;

O

- Mandendi la dummanda in manéra telematica in PDF sottuscritta a lu 'ndirizzu Pec: sardegna@cert.coni.it Lu fattu chi li documenti arréini lestri, è un arriscu sólu di ca' li manda. Venaràni presi in cunsidéru sólu li dummandi arriàti a lu CONI primma di la datta impustata; dapói di chista datta no venini accittati altu dummandi, ancóra siddhu mandati primma di la scadenza impustata o ancóra siddhu so in cambiu di chissi prisintati in tempu.

6. Crittéri di fulmaziòni di li graduatori

Una `òlta cumpritu lu tempu di presentaziòni di li dummandi mintuàti ill'alticculu a innanzi, lu CONI C.R. Saldigna cumenciarà l'avvilguamentu di li dummandi pa' fulmà la graduatoria di li chi sò affattenti beneficiari di lu bònu "voucher" e di l'affattenti no beneficiari.

Cun lu scòppu di fulmà li graduatori mintuàti a innanzi, di pudé dapói spaltì l'acchitti mintuàti ill'alticculu 2 tra li sugghjetti chi àgghjini prisintatu, in irrégula, la dummanda a chistu Bandiu, si pruzzedarà, illu rispettu di li dispusiziòni inghjittàti illa Dilibbaraziòni di la G.R. n. 23/11 di la dì 21 d'Aglióla di lu 2022, a diltimìnu di lu tantu spettanti a dugnunu sigundu li crittéri chi sìghini:

- a. Oldini inn alzata di redditu ISEE;
- b. Illu casu di mattèssi redditu ISEE, venarà data prioritài inn oldini in falata sigundu lu nùmmaru di cumpunenti di lu nucleu familiari chi póni fà la dummanda mintuàti ill'alticculu 3;
- c. Illu casu di mattèssi nùmmaru di cumpunenti chi póni fà la dummanda comu inghjittàtu illu puntu b), venarà data prioritài a li ciòani candidati più minóri di 18 anni (calculata in ciurràti). Illu casu di istanzia chi dummanda lu cuntribbuttu pa' più cumpunenti, vèni tinuta in cunsidéru la summa di l'età inghjittàta in ciurràti pa' li ciòani candidati pa' lu cuntribbuttu e vèni posti in graduatoria li candidati inn òldini inn alzata sigundu l'età/summa di età.

7. Pubblicaziòni di li graduatori

A cumprimentu di li graduatori, sigundu li crittéri mintuàti ill'alticculu 6, li mattèssi venaràni publicati sólu innantu a lu sittu internet di lu CONI C.R. Saldigna.

Pal chissu, dugna candidatu à d'avvilguà illu sittu web ufficiali di lu Cumitatu Regionali di lu CONI mintuàtu a innanzi (<https://sardegna.coni.it>) palchì no venarà mandatu avvisu passòna pa' passòna.

Altu opposiziòni podaràni esse prisintati cun li mattèssi manéri mintuàti ill'alticculu primma di la scadènzia di 10 dì da la pubblicaziòni; passatu chistu tempu, li graduatori doaràni esse ritinuti chjusi.

8. Avvilguamèntu e cumpùtu

Lu CONI C.R. Saldìgna podarà punì in ópara un cumpùtu di li dummandi prisintati da li candidati pa' avvilguà la `iritài di li dichjarazioni fatti. Undi da li cumpùti e da l'avvilgumènti fatti, eschia a fóra lu falzu indrentu a celti dichjarazioni fatti a li sensi di lu D.P.R. n. 445/2000 e ss.mm.ii. o illu casu no siani stati mandati tutti li documènti chi selvini o no siani bastanti, lu dichjaranti, chena cuntà li gàrrighi passunali inn òrdini a lu falzu dichjaratu, cascarà lu beneficiu cun l'esclusiòni, chi ni s'ghi, da la prattica e da la graduatoria màccari sia ghjà fulmata.

9. Frunimèntu di li bònì "voucher"

A cumprimèntu di li operaziòni mintuàti ill'altìcculu 7 e, dunca, una `òlta agattati li beneficiari cumpruàti indrentu a lu tantu massimu disponibbili pa' lu frunimèntu di li bònì "voucher", li Societài sportivi e li Associazioni sportivi dilettantistici sciuaràti da li beneficiari mattèssi pa' lu punì in prattica di la prattica sportiva aràni di mandà entru 15 dì a lu CONI

C.R. Saldìgna, cun li mattèssi modalitài mintuàti ill'altìcculu 5, una scrittura privata di impegnu a fà fidi illa andanzia di la prattica sportiva ricunniscèndi un abbònu finza a 250,00 € innantu a gàrrighi di iscriziòni e fraccuènta di li beneficiari ciòani. La scrittura privata in paràula, di cumpilà innantu a lu modellu allegatu a chistu Bandiu, arà di stà sottuscritta sia da lu legali rappresentanti di la Societài sportiva o A.S.D., sia da lu sugghjèttu chi polta la podestài genitoriali o da lu sugghjèttu chi lu pó fà aèndi cumpritu 18 anni, e chi aia prisintatu la dummanda.

La societài sportiva/ ASD si ingarrighìghja di fà praticà a lu ciòanu beneficiariu a lu più lu mattèssi costu appustatu pa' altu ciòani sportivi chi sò iscritti illa mattèssi societài aèndi di chjarì illa scrittura lu `alóri di l'abbònu praticatu e li costi di iscriziòni e di fraccuènta "lordi" di bucani. A lu mattèssi tempu, lu sugghjèttu ingarrigatu di la podestài genitoriali arà di accittà lu cuntribbutu in folma d'abbònu innantu a l'iscriziòni e innantu a lu tantu di fraccuènta.

Dapói di aè ricìuttu la scrittura privata in paràula, lu CONI C.R. Saldìgna pruzzédarà a dà subbitu lu `alóri di lu bònì "voucher" ricunnòttu illu mumentu in faóri di la Societài sportiva / ASD sciuaràta a innanzi, sólu pal mezu di bonificu bancariu in faóri di lu c/c intestatu a la mattèssi Societài / ASD.

10. Infulmaziòni

Altu dummandi di infulmaziòni pa' chistu Bandiu podaràni esse mandati a l'indirizzu e-mail sardegna@coni.it

11. Ingarrigàtu di lu pruzzidimentu

Lu 'Ngarrigàtu di lu pruzzidimèntu è lu Presidenti p.t. di lu CONI C.R. Saldìgna.

12. Infulmativa innantu a lu trattamentu di li datti passunali

La RAS, cun sedi legali in Castéddhu, Carréra manna Trento 69, Codici Fiscali e P. IVA 80002870923, rappresintata pa' la legghji da lu Presidenti di la Giunta Regionali pa' un trèttu di tempu ("Titolari" pa' lu tempu a innanzi), in galitài di titolari di lu trattamentu pal mezu di lu Direttori Generali pa' un trèttu di tempu, delegatu di lu Titolari pa' lu trattamentu di li datti liàtu a li procedimenti in gàrrigu a la Direziòni Generali di la Pubblica Istruziòni, a li sensi di lu Decrettu Presidenziali n. 48 di la dì 23 di magghju di lu 2018, infolmani a li sensi di l'alticculi 13 e 14 Regulamentu UE n. 2016/679 (divintatu dapói, "GDPR") chi li datti venaràni trattati cun li manéri e pa' li scòppi chi s'ghini.

Oggettu di lu Trattamentu

Lu Titolari tratta li datti passunali e/o idintificativvi (nommu, sangunìghju, indirizzu, telefonu, e-mail, indirizzu pec, riferimènti bancari e di pacamentu, dichjaraziòni ISEE, codici fiscali, documenti di idintitài ecc. tutti datti di beneficiari candidati a esse cunfolmi a lu cuntribbuttu e sugghjetti dichjaranti liàti chi àni la podestài genitoriali e chissi di li legali rappresentanti di li societài sportivi o associazzioni sportivi misciati ill'agghjutu), pa' li finalitài di assignaziòni di li bònì "voucher" e illu ramu di la gestioni di lu pruzzidimèntu liàtu da lu CONI e da la REGIONI, dapói chjamàti "datti passunali" o ancóra "datti".

Finalitài e basi ghjuridica di lu trattamentu

Li datti passunali vènini trattati a li sensi di l'alticculu 6 littara e) di lu GDPR palchì lu trattamentu è ministéri pa' lu punì in prattica un compitu di intaressu publicu o liàtu a lu punì in prattica di poteri pubblici undi è invistutu lu titolari di lu trattamentu e no è, dunca, ministéri accapità li cunsensi di li intarissati. Li réguli di la pruzzidura s'agattani illa siziòni di l'avvisu, chi sarà sigùtu da lu CONI e cuntenerà chista infulmativa.

Lu trattamèntu venarà trattatu illu s'ghì li finalitài chi s'ghini: gestioni di li pruzziduri rifferuti a l'avvisu publicu, predisposizioni e pubblicazioni di li graduatori, gistiòni di lu cuntribbuttu e assegnazioni, avvigliuamèntu, cumpùtu, attivitài di "audit", cònti.

Manéri di trattamentu

Lu trattamentu di li datti passunali è cuntiviciatu pal mezu di l'operazioni inghjittati ill'alticculi 4 n. 2 di lu GDPR e di prizzisu: accapità, riggistrà, l'organizzazione, la appustà, adducà, adattà o mutà, tustà, cumputà, trattà, la cumunicazioni pal mezu di la trasmissioni, la diffusioni o cassisia altu folma di posta a dispusizioni, lu cunfrontu o l'interconnessioni, la custrizioni, lu turrà a nuddha o lu strimèntu.

Li datti passunali sò sugghjetti a trattamèntu sia in papéri, sia elettronicu e/o automatizzatu e venaràni assintati e adducati ill'archiviu di la Direzioni Generali di la Pubblica Istruzioni di l'Assessoratu di la Pubblica Istruzioni, Beni Culturali, Infurmazioni, Spettaculu e Sport cun riferimentu a la finalitai di lu pruzzidimentu di assegnazioni di li bñni "voucher". Lu Tittulari trattarà li datti passunali pa' un trèttu di tempu di 10 anni a plti da la data di cumprimèntu di la pratica e inn una folma chi venghia bè a idintificà li passòni intarissati sólu pa' lu trettu di tempu nizissariu pa' lu cunsighimentu di li finalitai chi sò stati assintati o, infattu, trattati li datti.

In cambi, pa' lu trattamèntu di li datti pa' l'archiviazioni illu `ntarèssu publicu, di circa scientifica o storica o a lu scòppu statisticu, a li datti venarà applicatu l'alticculu 89 di lu GDPR, e, undi sia pussibbili chèna preghjudicà in manéra grài o rindi impussibbili lu cunsighimentu di chisti finalitai, venaràni agghjunti pruvvidimènti tecnici e olganizzativvi cun lu fini di garantì lu prinzipiu di la minimizzazioni di li datti.

Pa' trattà li datti

Li datti podaràni esse libbari a intrà pa' li finalitai di assignazioni di li bñni "voucher" e rendicontazioni a dipendenti e collaboradóri di lu Titolari o di altu Responsabili di fóra di lu trattamèntu, illa só' galitai di cumpruati pa' lu trattamentu e/o di amministradóri di sistema.

Comunicazioni di li datti

Lu Titolari podarà mandà li datti pa' li finalitai di assignazioni di li bñni "voucher" e rendicontazioni a altu paltizioni amministrativi di la Regioni Autonoma di la Saldigna, com'e Autoritai di Gistioni di li fundi, Uffici impustati a li cumpùti di I livellu, Uffici impustati pa' attivitai di "Audit", Uffici preimpustati pa' l'ativitai di gistioni cuntabbili e di bilanci ecc. e ancóra a chissi sugghjetti, ancóra di fóra di la Regioni, chi pal chissi la comunicazioni sia d'ubbricu pa' legghji o venghia fatta dapói di autorizzazioni infini di lu Titolari pa' lu trattamentu pa' pultà a innanzi li finalitai mintuati a innanzi.

Trasferimentu datti

Li datti passunali vènini adducati innantu a lu server di la Regioni Autonoma di la Saldìgna e ill'archivio in papéri, indrentu a l'Unioni Europea o illi server di lu Coni.

Tippu di lu cunferimentu di li datti e cunsighenzi di lu rifiutu di rispundì

Lu cunferimentu di li datti passunali è d'ubbrìcu palchì nizissariu a lu scoppu di l'andanza di l'attività liàti a lu pruuzzidimèntu e, siddhu cumbìna, di l'opposiziòni o dummanda di cancellaziòni da palti di l'ntarissatu cumpolta l'impossibilitài di paltizzipà o pultà addananzi la pruuzzidura.

Dritti di lu `ntarissatu

Li `ntaressati àni li dritti mintuàti ill'alticculu 15 GDPR e più infini:

- di aé lu cumpróu di l'esistenza o no di datti passunali chi so liàti, puru siddhu no sò ancóra riggistrati, e la só' comunicaziòni in folma intelligibili;
- di aé lu `nghjittu:
 - di l'origini di li datti passunali;
 - di li finalitài e manéri di lu trattamèntu;
 - di la logica applicata in casu di trattamèntu fattu cun l'agghjutu di strumenti elettronichi;
 - di l'estremi identificativi di lu titolari, di li `ngarrigati e di lu rappresentanti inghjittatu a li sensi di l'alticculu 3, comma 1, GDPR;
 - di li suggergetti o di li categorii di suggergetti undi póni esse comunicati li datti passunali o che possini `innenni a sapé sendi rappresentanti inghjittati illu tirrittóriu di lu Statu, di responsabbili o ingarrigati;
- di aé:
 - l'aggiornamentu, la rettifica o, candu selvi, l'agghjunta di li datti;
 - la cancellaziòni, lu mutamèntu in folma anonima o lu felmu di li datti trattati andèndi fóra régula di legghji, cumpresi chissi undi no è nizissariu adducalli sigundu li scoppi chi li datti sò stati accapitati, o dapói, trattati;
 - l'attestaziòni chi l'operaziòni mintuàti illi littari a) e b) sò stati fatti sapé, ancóra pa' lu chi cuntènini, di chissi chi li datti sò stati comunicati o bandiati, salvu lu casu undi chissu adempimentu si mostra impussibbili o cumpolta un trattugnu di mèzi fóra misura cunfolma a lu drittu tutelatu;
- di oppunissi, in tuttu o in palti pa' muttìi legittimi a lu trattamentu di li datti passunali aiddhi rifferuti, liàti a lu scoppu di accapità li datti mattessi;

undi si pó applicà, àni ancóra li dritti mintuàti ill'alticculi 16-21 GDPR (Drittu di rettifica, drittu a l'olvidu, drittu di limitaziòni di trattamèntu, drittu a la poltabbilitài di li datti, drittu di opposiziòni), comu puru lu drittu di cuntestaziòni a l'Autoritài Garanti.

Manéra di palisà li dritti

È pussibbili in cassisia mumentu palisà li proppi dritti mandèndi:

- una raccomandata a/r a Regioni Autonoma di la Saldigna, Assessoratu di la pubblica istruziòni, beni culturali, infulmaziòni, spettacculu e sport, Direziòni Generali di la Pubblica Istruzioni, Silvìziu Politichi scolastici, Carréra manna Trieste, 186, Cagliari;
- una PEC a lu 'ndirizzu: pi.dgistruzione@pec.regione.sardegna.it.

Rifirimenti e cuntatti di lu titolari, responsabbili e ingarrigati

A li sensi di lu Regulamentu (UE) 2016/679 riferutu a lu galdà di li passòni fisichi, più infini, a lu trattamèntu di li datti passunali e ancóra a lu libbaru anda e torra di chissi datti, lu Titolari di lu trattamèntu è la Regioni Autonoma di la Saldigna, cun sede legali in Cagliari, Carréra manna Trento 69, Codici Fiscali e P. IVA 80002870923, rappresintata pa' la legghji da lu Presidenti pa' un trèttu di tempu di la Giunta Regionali; Lu 'ngarrigatu da lu Tittulari pa' lu trattamentu di li datti didicati a li pruzzidimenti in garrigu a la Direziòni Generali di la Pubblica Istruzioni è lu Direttori Generali pa' un trèttu di tempu, cunfolma lu Decrettu Presidenziale n. 48 di la dì 23 di magghju di lu 2018,

mail: pi.dgistruzione@regione.sardegna.it,

pec: pi.dgistruzione@pec.regione.sardegna.it,

tel: 070/6064941.

Lu 'Ngarrigatu pa' galdà di li datti di la Regioni Autonoma di la Saldigna, numinatu cun Decrettu Presidenziali n. 47 di la dì 23 di magghju di lu 2018, podarà esse cuntattatu a li cuntatti chi s'ghini:

rpd@regione.sardegna.it,

pec: rpd@pec.regione.sardegna.it,

tel: 0706065735.